


四明叢書

張宗祥



四明元僧詩目

如琪

明本

僧益

如皎

祖瑛

祖銘

祖柏

荆石

惠恕

弘濟

覺恩

希顏

淨日

僧訢

僧照

僧阜

僧欲

曇曜

鄭守仁附道士

四明元僧詩

鄞縣董 濂震軒編輯

如琪

號橫川永嘉林氏子至元間住育王

寄龍石老翁

龍山閣上望江水蘆葦叢邊白鳥飛一個閒人天地外
夕陽遠近釣船歸

四十餘年交舊少惟師遠近寄新茶瓦瓶未汲寒泉水

無限清風滿我家

柳貫上福龍
山古蹟記

明本

錢唐朱一作孫

氏子號中峯賜號廣慧禪師諡智

覺歷任天童海會諸寺著有中峯廣錄梅花百
詠一花五葉集

叩皖山隱者

野人原上十五春寒崖白石啼山鬼萬峯重疊路回旋
半間簷屋青松底老僧荷鋤入煙霞滿林搖落朱藤花
燒田種寒栗劬地栽胡麻雲根撥筍澗底尋茶糞火深
埋芋魁種砂瓶爛煮黃菁芽人謂隱者閒不足何故山

翁事驅逐山翁笑指溪上桃庭前竹春風幾度更新綠
香巖不作靈雲死徒有是非喧兩耳爭似儂家百不知
從教少室分皮髓

閱林閒錄有感

林閒編此錄深夜剔殘燈慧命微如縷人心冷似冰祖
庭空積雪古路不逢僧追憩前賢轍思歸一念增

船居

水光沈碧鷺船時疑是登天不用梯魚影暗隨篷影動
雁聲遙與鶻聲齊幾回待月停梅下或只和煙繫柳西

萬里任教湖海闊放行收住不曾迷

人在船中船在水水無不在放船行藕塘狹處拋篙直
荻岸深時打櫂橫千里溪山隨指顧一川風月任逢迎
普通年外乘蘆者未必曾知有此情

散宅浮家絕所營閒將秋色戲評論煙蓑帶雨和船重
雲衲衝寒似紙輕帆飽固知風有力舵寬方覺水無情
頭陀不慣操舟術幾失生來兩眼睛

山居

三尺茅檐聳翠岑去城七十里寄嶽誰同趨入忘賓主

我自往來空古今雪澗有聲泉眼活兩厓無路蘚痕深
爲言海上參尋者菴主癡頑莫訪尋

數朵奇峯列畫屏參差泉石暢幽情青茅旋墮尖頭屋
黃葉頻煨折腳鎗雲合暮山千種態鳥啼春樹百番聲
世間世出閒消息不用安排總現成

水居

道人孤寂任棲遲跡寄湖村白水西四壁煙昏茅屋窄
一天霜重板橋低驚濤拍岸明生滅止水涵空示悟迷
萬象平沈心自照波光常與月痕齊

水邊活計最天然物外相忘事事便門柳每招黃蝶舞
岸莎常襯白鷗眠雨傾荷葉香浮屋風捲蘆花雪滿船
不動舌根談實相客來何必豎空拳

水國菴居最寂寥世途何事苦相招去村十里無行路
隔岸三家有斷橋數點鴉聲迎暮雨一行魚影漲春潮
陳年佛法從教爛豈是頭陀懶折腰

廬居

足跡無端徧海涯現成山水不堪誇市廛既可藏茲錫
城郭何須著我家四壁虛明連棟月數株紅白過牆花

晁聞不暇存方便只此隨緣遣歲華

次韻高麗藩王題真際亭

高亭結構標真際體共雲林一樣閒山勢倚天忘幾兀
水聲投澗自潺湲伽陀迴出言訶外海印高懸宇宙間
佇看憑欄人獨醒又添公案入禪關

田歌

柯南村北春水鳴村村布穀催春耕手捧飯盂向天祝
明日插秧還我晴

以上兩上
高僧詩

九字梅花詠

昨夜西風吹折千林梢渡口小艇滾入沙灘幼野橋古
梅獨臥寒屋角疏影橫斜暗上書窗敲半枯半活幾個
壓蓓蕾欲開未開數點含香苞縱使畫工奇妙也縮手
我愛清香故把新詩嘲

題金山寺

半江湧出金山寺一簇樓臺兩岸船月到中宵成白晝
浪翻平地作青天塔鈴自簇微風語灘石長磨細浪圓
龍化楚人來聽法手擎珠獻不論錢

憶梅

夜分明月是揚州尚有春風在樹頭莫怪當年何水部
歲寒心事與誰愁

惜梅

香消泥汙意徘徊掠地迴風玉作堆愁絕黃昏無一語

怕看孤月上窗來

以上歷代
詠物詩選

三卯

甬上高僧
詩作水居

年晚那能與世期水雲深處分相宜菱蒲繞屋供晨爨

菱藕堆盤代午炊老岸欲曠添野葑廢塘將種補新泥

無心道者何多事也要閒消十二時

松江府志

林塘最樂堂

學得閒來便是閒好山好水任盤桓林塘菴外湖山景
當作杭州一樣看

桃源志

雁蕩幻住菴除夜偈

茅屋之間冷似冰灰頭上面十餘僧掃除自己閒枝葉
不打諸方爛葛藤就手揭開新歲曆和光吹滅舊年燈
頂門別具摩醯眼越死超生似不曾

虎阜志

僧益

字楠堂永嘉人宗杲四世法嗣歷住太平彰聖

終於奉化岳林著有山居詩

山居四十首錄

七

亂流盡處卜幽棲獨樹爲橋過小溪
春雨桃開憶劉阮
晚山薇長夢夷齊
尋僧因到石梁北
待月忽思天柱西
借問昔賢成底事
十年騎馬聽朝雞

人間紅日易西斜
萬巧施爲總莫誇
剖出無瑕方是玉
畫成有足卽非蛇
拳伸夜雨靑林蕨
心吐春風碧樹花
世念一毫融不盡
功名捷徑在煙霞

自是不閒閒便得
矜功負氣總徒勞
乾坤不換蜩雙翼

泰華何殊牛一毛
揭石出潭秋水怒捲茅落地晚風號
滿頭白髮千時政漫說商山四皓高

異草靈苗世莫栽
羅龕禪起獨徘徊
嶽僧近寫茶經去
海客遙尋藥陽來
曉洞雲腥龍孕子
夜天月冷兔懷胎
事殊世異真風遠
漢武開池見劫灰

千年明鏡忽生塵
逐妄迷真豈有因
海上刻舟求劍客
市中當晝攫金人
萬牛難挽清風轉
兩曜偏催白髮新
此事知音古來少
碧天無際地無垠

竹屋數聲清磬斷
隔溪疏雨遣斜暉
一機忘去是非盡

萬法空來體用歸黃狢林中偷果去翠禽林下領雛飛
有官有佛從人選獨坐秋階納翠衣

卽今休去便休去何事卻求身後名世亂孫吳謀略展
才高屈馬是非生溝中斷木千年恨海上浮槎萬里情
誰識苦禪涼夜月松根一片石牀平

秀野草堂元詩選世傳山居詩一編樂菴黃僧
游廣陵得於東隨精舍爲元時舊刻如春煖鹿
眠三徑草夜寒雁叫一天霜棧鞋踏冰石溪滑
松帚掃霜山徑陰相韓卿趙禪中蝨霸楚王吳

檻內猿灌蔬月下擔寒浪移石雪邊接斷橋一
火燒畚春采蕨半蓑披雨晚鉏園格律在皎然
無本之間當不徒賞其山居高致也

題徑山

餘杭縣志
作祖銘詩

攀蘿捫石上崔嵬爲訪名師特到來碧眼望穿紅日際
青鞵踏破白雲堆松濤振壑鳴天籟瀑布春巖動地雷
好境自然塵世別何須海上覓蓬萊

徑山志

如皎

鄞周氏子字性天